

Kasalla: Home es wo d'r Dom es

600 Kilometer fott vun dem wat Heimat es,
ich fahr de ganze Naach bes ich ding Spitze sinn.
Weiße Striefe om Asphalt,
da Kaffee weed kalt,
de Musik lauter, ich ben aanjeschnallt.

600 Kilometer bes ich widder odme kann,
ich maach et Navi us, d'r Wääch fing ich allein.
Blaue Schilder, weiße Schrift,
ming Kess es e Schiff,
volle Kraff et Ruder fess em Jriff.

Un he die Stross jeiht immer nur jraadus,
irjendwann räats aff un dann es Schluss.
Ding Leuchte en d'r Naach, dat jeiht nie us,
säät ich ben zo Hus.

Un dann jeiht jraad de Sonn op hell un klor,
ich fahr övver de Zoobrück un ben do.
Fenster runger kölsche Luff,
ich sing: "Home es wo d'r Dom es." (4x)

Wör dat New York, dann wöods du de Freiheitsstatue sinn.
Ejal woher mer kütt, mer süht wohin et jeiht.
Du bes die Richtung un dat Ziel,
dat Krüz op d'r Kaat,
wenn ich dich sinn, dann kumm ich endlich aan.

600 Kilometer fott vun dem wat Heimat es,
ich fahr de ganze Naach bes ich ding Spitze sinn.
Weiße Striefe in der Naach,
dat Leech hält mich waach,
und ich fahr wigger Richtung neue Daach.

Un he die Stross jeiht immer nur jraadus,
irjendwann räats aff un dann es Schluss.
Ding Leuchte en d'r Naach, dat jeiht nie us,
säät ich ben zo Hus.

Un dann jeiht jraad de Sonn op hell un klor,
ich fahr övver de Zoobrück un ben do.
vun dem Bleck krich ich nie jenoach,
ich sing: "Home es wo d'r Dom es." (4x)

Du steihs do, wo ich hinjehür,
wo ich de janze Naach dorchfahr für,
ich kumm immer widder zoröck zo dir.

hey - hey

Un dann jeiht jraad de Sonn op hell un klor,
ich fahr övver de Zoobrück un ben do,
vun dem Bleck krich ich nie jenoeh,
ich sing: "Home es wo d'r Dom es."